

SOUTUL BARIAH

muncul Naib Johan dan Persembahan Terbaik

Pertandingan Nasyid Antara Jabatan UniMAP 2011

Oleh : Mohd Izwan Izhar Haris



23 Ogos 2011, Kangar – Pusat Islam UniMAP dengan kerjasama Pusat Pengajian Kejuruteraan (PPK) Mekatronik serta Komputer dan Perhubungan telah menganjurkan Pertandingan Nasyid Antara Jabatan UniMAP 2011 sempena pengisian Program Ihya' Ramadahan 2011 di Dewan Kapitol UniMAP Kangar, Perlis.

Pertandingan tersebut telah menyaksikan Kumpulan Nasyid Soutul Bariah yang mewakili Jabatan Hal Ehwal Pelajar dan Alumni (JHEPA) ditabalkan sebagai Naib Juara dalam saingan bersama 24 kumpulan nasyid dari Jabatan dan Pusat Pengajian dari seluruh Pusat Tanggungjawab (PTJ) UniMAP. Hasil kemenangan itu, Soutul Bariah telah pulang bersama wang tunai RM 300, Cenderamata Ayat Suci Al-Quran, sijil dan Hamper.



Lagu dan lirik "Manfaatkan Ya Ramadhan" hasil ciptaan Penolong Pendaftar JHEPA, En. Mohd Izwan Izhar Bin Haris ini juga menjadi lebih bermakna apabila Kumpulan Soutul Bariah turut dianugerahkan sebagai pemenang Kategori Persembahan Terbaik. Seterusnya membawa pulang wang tunai RM 100 dan hamper.

Pertandingan tersebut juga menyaksikan Kumpulan Nasyid Ar-reez dari Jabatan Canselori UniMAP, merangkul Juara dan kumpulan Kilauan Dinar dari Jabatan Bendahari UniMAP, memenangi tempat ketiga. Hadiah disampaikan Naib Canselor UniMAP, Brig. Jen. Dato Prof. Dr. Kamarudin Hussin. Turut hadir, Timbalan Naib Canselor Akademik dan Antarabangsa, Prof. Dr. Zul Azhar Zahid Jamal dan Timbalan Naib Canselor Penyelidikan dan Inovasi UniMAP, Prof. Dr. Ismail Daut.

